



Na osnovu člana 8. Statuta Federalnog zavoda za zapošljavanje, a u skladu sa Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 41/01, 22/05 i 9/08), Upravni odbor Federalnog zavoda za zapošljavanje na - XI sjednici održanoj 14.6.2017. godine donio je

ODLUKU

o usvajanju Izmjena i dopuna

Programa pripreme za rad 2017 – Obukom do zaposlenja

I

Usvajaju se Izmjene i dopune Programa pripreme za rad 2017 – Obukom do zaposlenja, a koji je usvojen Odlukom Upravnog odbora Zavoda, broj 01/1-49-368/17 dana 16.01.2017. godine.

II

Finansijska sredstva za realizaciju Izmjena i dopuna Programa osigurava Federalni zavod za zapošljavanje u skladu sa Finansijskim planom, a Izmjene i dopune Programa pripreme za rad 2017- Obukom do zaposlenja su sastavni dio Odluke.

III

Za izvršenje ove odluke zadužuju se Sektor za zapošljavanje i Sektor za ekonomske poslove, evidencije i informacione tehnologije.

IV

Ova odluka stupa na snagu danom donošenja.

Obrazloženje:

Programom „Priprema za rad 2017- Obukom do zaposlenja“ Zavod finansira stručno osposobljavanje za rad bez zasnivanja radnog odnosa uz isplatu određene naknade polaznicima obuke. Prema instrukcijama Ministarstva finansija Federacije BiH, datim u aktima broj: 05-14-2-2276/17 od 03.05.2017. godine i broj: 05/04-14-2-2276/17 od 07.06.2017. godine, ukazano je da je u skladu sa Zakonom o porezu na dohodak („Službene novine Federacije“ br.10/08,9/10,44/11,7/13,65/13) naknada, koja je predviđena ovim Programom specifična kategorija prihoda fizičkih lica, odnosno da ista podliježe oporezivanju. Na osnovu navedenih instrukcija, Zavod je u Izmjenama i dopune Programa pripreme za rad 2017 – Obukom do zaposlenja izmijenio tačku 5. i tačku 10. Programa u cilju pravilnog obračuna i uplate pripadajućih doprinosa i poreza, ne mijenjajući predviđeni finansijski okvir za realizaciju Programa.

Broj: 01/1-49-4755/17
Datum: 14.6.2017. godine

Akt obradili:

- Azra Kapo
- Nermina Bećirbašić
- Omer Korjenić
- Haris Huskić.

Predsjednik Upravnog odbora
Zlatko Hadžomerović





**IZMJENE I DOPUNE
PROGRAMA
PRIPREME ZA RAD 2017-
OBUKOM DO ZAPOSLENJA**

Sarajevo, juna/lipnja 2017. godine

U Programu PRIPREME ZA RAD 2017 – OBUKOM DO ZAPOSLENJA, usvojenim Odlukom Upravnog odbora Zavoda, akt br. 01/1-49-368/17 od 16.1.2017. godine, mijenja se tačka 5. Poticajne mjere, i glasi:

„5. Poticajne mjere

Programom se sufinansiraju troškovi pripreme za rad u ukupnom iznosu od 1.116 KM po osobi. Priprema za rad može trajati najviše do tri (3) mjeseca, a obavlja se kod ovlaštene javne ustanove ili drugog ovlaštenog pravnog subjekta ili poznatog poslodavca.

Zavod mjesečno, za vrijeme trajanja obuke, poslodavcu isplaćuje iznos od 372 KM po osobi za sljedeće troškove:

- *naknada polaznicima u iznosu od 240,89 KM;*
- *uplate doprinosa za PIO u iznosu od 3,00 KM;*
- *uplata opće vodne naknade u iznosu od 1,21 KM;*
- *uplata poreza na dohodak u iznosu od 26,90 KM;*
- *nastave (praktična i teoretska) – troškovi/naknade predavaču/konsultantu, korištenje opreme i repromaterijal, potrošna roba i materijali, stručna literatura i materijali (100 KM).*

Poslodavac ima obavezu da po okončanju obuke zasnuje radni odnos u trajanju od šest (6) mjeseci sa najmanje 70% osoba koje su okončale obuku, nakon čega Zavod poslodavcu isplaćuje jednokratno iznos od 500 KM po osobi.“

U tački 10. Isplata i pravdanje odobrenih sredstava, mijenja se alineja 1) i glasi:

- *„refundacijom troškova obuke na račun poslodavca, protekom svakog mjeseca, a nakon što poslodavac dostavi uz zahtjev za isplatu sredstava obrazac JS3120 – prijava/odjava lica osiguranih u određenim okolnostima, dokaz o isplati troškova propisanih u tački 5. ovog Programa, ovjeren obrazac PDN-1033 kao i izvod iz banke iz kojih se vidi uplata naknada i troškova iz tačke 5. ovog Programa; „*

Broj: 01/1-49-4755-1/17

Datum: 14.6.2017. godine

Akt obradili:

- Azra Kapo
- Nermina Bećirbašić
- Omer Korjenić
- Haris Huskić